

ვისია ხუთჯვრიანი დროშა?
(2002)

დროშის გარშემო ატეხილმა ციებ-ცხელებამ კულმინაციას მიაღწია და თითქოს ჩაქრა. ქუჩის აქციებიდან და შიმშილობიდან ცივილურ-ცივილიზებულ არენაზე გადაინაცვლა – სასამართლო დარბაზში. რა არ მოგვისმენია, რა არ წაგვიკითხავს ამ ხანებში. მერიის წინ აღმართულ ტრანსპარანტზე ეწერა: “შევარდნაძე, ხელები შორს ქართული დროშისგან”. ეს დიდი ხნის ნაცნობი ფრაზა არასწორად არის გამოყენებული. როცა ერთი მეექვსედიდან გასძახოდნენ: “ამერიკავ, ხელები შორს კორეისგან” (ან ვიეტნამისგან და ა.შ. დაუსრულებლად), იგულისხმებოდა, რომ შეძახილის ადრესატი ემუქრება ან ჩაბლაუჭებულია ამ ობიექტებს. ჩვენი პრეზიდენტი ნამდვილად არ იმსახურებს ამ ყოველად მკვახე შეძახილს, იმ ცნობილი რეჟიმის გადმონაშთს, რომლის ერთ-ერთი ბურჯი თავად იყო (“დრო იყო ასეთი”). პრეზიდენტი არც აპირებს, ხელყოს ეს დროშა, დაისაკუთროს იგი ან წაართვას ქვეყანას, ქრისტიან ხალხს, დასტოვოს სამიათასწლოვანი სახელმწიფოებრიობა მრავალსაუკუნოვანი “ქართული დროშის” გარეშე. არც უფიქრია. უცდის მომენტს, როგორც მას სჩვევია. მას ფიქრის დრო კიდევ დარჩა – ორ წელიწადზე მეტი ხანი. მაგრამ “ხუთჯვრიანი დროშის” მხარდამჭერნი კი ნამდვილად ჩქარობენ. დროშა მათ ახალ-ახალი გამარჯვებებისკენ უნდა წაუძღვეს, თან ფართო მასებიც გაიყოლოს.

პროფანაცია ამკარაა ორივე მხრიდან – მხარდამჭერთაგან და უარისმყოფელთაგან. პირველნი აფრიალებენ ამ დროშას ყველგან ჭიქურად, აგრესიულად, გამომწვევად. მეორენი ლანძღავენ, გმობენ ასევე აგრესიულად, აცამტვერებენ მას. ერთმა დეპუტატმა, მგზნებარე “მართლმადიდებელმა”, ხუთჯვრიანი ალმების დანვისკენ მოუწოდა ბრბოს, ხოლო ალმისტარების კეტებად გამოყენება ურჩია, როცა ის საკრებულოს გარეკვას გადაწყვეტს. “საბოლოოდ უნდა დასამარდესო” – დროშაც და საკრებულოც. რატომ? ხუთი ჯვარი კათოლიკურია, ერგო, მისი ამფრიალებელნიც, მამანი საკრებულოსანი, ამავე რჯულისანი არიან. დროშა უნდა განადგურდეს. მისი ადგილი არათუ მერიის თავზე, საქართველოშიც არ არის. ის დააბრკოლებს მის გაბრწყინებას. ეჭვი არ არის ჩვენს თვალწინ თავისუფლად იფურჩქნება ფსევდომართლმადიდებლურ-სექტანტური ცნობიერება. აქ ვანყდებით ჯვარისადმი სექტანტური მიდგომის კლასიკურ-ქრესტომათიულ შემთხვევას.

შეანუხეს ეკლესიაც, რომლის ხმამ ვიეთათავის სამწუხაროდ, ვიეთათავის სასიხარულოდ უარყო მისი კათოლიკობა და, ასე გასინჯეთ, მასონობაც (თუმცა რა მიზეზით დაისვა მასონობის საკითხი ჯვრებთან დაკავშირებით, გაუგებარია), ჩათვალა რა ძირძველ მართლმადიდებლურ, მამასადამე, ქართულ დროშად, ლამის გორგასლიან-დავითიანად. ამის გამკონე ვილაც წარსულში იყინის ან იღუშება. ბოლოს და ბოლოს, არსებობს წარსული თუ ყოველივე, რაც მომხდარა, – ვის რა მოუპოვებია, ვინ რა ნიშნით აღჭურვილი შესულა იერუსალიმში, – ყველაფერი სამარადისოდ დავიწყებულია, ყველაფერი უგზოუკვლოდ დაკარგულია? ან იქნებ მხოლოდ ქართველებს გვაქვს წარსული და მხოლოდ ჩვენ გვმართებს მისი არდავინწყება? ისტორიას ახსოვს და არ დაიკარგება არათუ დროშის პატრონის სახელი, არამედ ის მკვახე შეძახილიანი ტილოც კი, რომელიც, შესაძლოა, სადმე სარდაფში ლპებოდეს, საბოლოოდ დალპეს, გაიხრწნას, მაგრამ რაკი ერთხელ დღის სინათლეზე გამოიფინა მისი ტექსტი, სამარადისოდ იპოვირბს თავისი მრავალმნიშვნილოვანი ძიებდაძიებო

ასე დაარჩება უხილავად ამ ქვეყნის ეთერში და, როგორც ცნობილი უმბერტო ეკო, მწერალი და სემიოტიკოსი გვასწავლის, ახალ-ახალი მინარსებით აივსება.

ერთმა მგზნებარე “დამცველმა” მართლმადიდებლობისა უაღრესად საპატიო პირისადმი იკადრა თქმა, ცრუობსო და დაასკვნა: “ვისაც კი საქართველოს ისტორისა ცოტა მაინც რამე გაეგება, ყველასთვის ნათელია, რომ აღნიშნული ხუთჯვრიანი დროშა კათოლიკური და მისიონერულიაო” (“ასავალ დასავალი”, 13-19 იანვ. მსურს, დაეჭერო, რომ ეს “მისიონერული” ავტორისეული არ არის). ცრუობა რა საკადრისია, მაგრამ ამ საკითხში რომ მართალს არც ერთი მხარე არ ამბობს, ეს ცხადია. მაგრამ რა შუაშია აქ საქართველოს ისტორია? განა ყველა ხვეული ამ ქვეყნის ისტორიისა ყველასათვის ცნობილია, თეთრი ადგილები აღარ დარჩა? დანამდვილებით ვიცით, რომ დღევანდელი “პატრიოტებივით” კრულავდნენ ხუთ ჯვარს მათი წინაპრები?

ერთნი ხელალებით უარყოფენ: “ეს არის უცხო, დამპყრობლური ანტიმართლმადიდებლური დროშა”, “უნდა დასამარდეს!”; მეორენი, როგორც საეკლესიო, ისე პოლიტიკური წრეები, არანაკლებ მგზნებარე “მართლმადიდებლები” და, ამდენადვე, კატეგორიულნი, უარყოფენ მის რაიმე კავშირს კათოლიკურ სამყაროსთან, იმ მოტივით, რომ იგი ოდითგანვე იერუსალიმის სიმბოლო იყო და, ერგო, მართლმადიდებლური. ორივე მხარე სცოდავს ისტორიული სიმართლის წინაშე. საიდან მოდის ეს ზერელობა, მიყრუება-მიფუჩჩება?

სად არის ჭეშმარიტება? ერთი პატივცემული ავტორი “ფრთხილი ვარაუდით” შენიშნავს, რომ ხუთჯვრიანი დროშა, იერუსალიმის სიმბოლო, “ეს ოდითგანვე წმინდა მიწის ემბლემა”, თითქოს ჯვაროსნებს დაესაკუთრებინოს. ასეა? იქნებ პირიქითაც იყო? ანუ ჯვაროსნული წარმოშობის ნიშანი იერუსალიმის ღერბად იქცა?

ვიცით, რომ ჯვაროსნების ნიშანი ხუთჯვრიანი დროშა არ ყოფილა. ყველა ჯვაროსანს ჰქონდა ერთი ნიშანი – ეს იყო თეთრ ტილოზე გამოსახული მენამული ჯვარი, ბერძნული ჯვარის ფორმისა, ოლონდ სიგრძივ დაწვენილი. ჯვაროსანთა ლაშქარში ცალკეულ დაჯგუფებებსაც ჰქონდათ თავ-თავისი ემბლემები. ყველაზე ცნობილთ მათ შორის – იოანელებს (წმ. იოანეს რაინდებს), რომლებიც მოგვიანოდ იერუსალიმის დაცემის შემდეგ ჯერ როდოსზე მკვიდრობდნენ, შემდეგ კი თურქების შემოსევის შემდეგ მალტაზე გადავიდნენ, მკერდზე ე.წ. “მალტური ჯვარი” ჰქონდათ გამოსახული. არათუ ორდენის მთელ კორპუსს, არამედ თითოეულ წინამძღოლსაც ჰქონდა თავისი პირადი ნიშანი, რომელსაც ის საომარ საქურველზე გამოსახულს, როგორც ღერბს, ატარებდა.

ჰქონდა თავისი ნიშანი (ღერბი) ერთ ღირსეულ რაინდს, პირველი ჯვაროსნული ლაშქრობის ერთ-ერთ წინამძღოლს, ქვემო ლოთარინგიის (ამჟამინდელი ბელგიის აღმოსავლეთი ნაწილის) ჰერცოგს, გოტფრიდ ბულიონელს, რომელმაც (მანამდე უჩინო-უსახელომ) სახელი იერუსალიმის აღების დროს მოიხვეჭა. მან პირველმა აღმართა იერუსალიმის გალავანზე თავისი შტანდარტი – ხუთჯვრიანი დროშა (ახლა რომ უახლესი სრულიად ევროპის დროშასთან ერთად მერიის თავზე ფრიალებს). ეს მოხდა 1099 წელს. იგი იერუსალიმის მეფედ აირჩიეს, მაგრამ მეფობაზე უარი თქვა ეკლის გვირგვინოსანი უფლისადმი მოწინების გამო და წმიდა საფლავის მცველის ტიტულით დაკმაყოფილდა. ისტორიაში იგი ცნობილია, როგორც ღვთისმოსავი რაინდი, რომელიც თავისი ქცევით (გადმოგვცემს იმჟამინდელი მათიანე) უფრო ბერს ჰგავდა, ვიდრე რაინდს; ის შეღავათებს უწევდა სამღვდელოებას, სწყალობდა მათ, რასაც მას პოლიტიკური ისტორიკოსები სისუსტეში უთვლიან. სხვაგან კიდევ სად უნდა გამოჩენილიყო მისი ღვთისმოსავობა, თუ არა იმ ნიშანში, რომელიც მან (მისაძლოა. სასოოირო პირთა რჩიით) თავის ოირბაო აირჩია. ის იყო

სწორედ ხუთი ჯვარი, რომელთაგან თითოეულმა სიმბოლურად ჯვარცმული მაცხოვრის თითო ჭრილობა გამოხატა. და რამდენადაც ეს კეთილშობილი რაინდი იერუსალიმის სამეფოს დამაარსებელი იყო, ბუნებრივია, მისი პირადი ნიშანი იერუსალიმის სამეფოს ღერბი გახდა (ანალოგიურად, ბაგრატიონთა დინასტიის ნიშანი საქართველოს სამეფოს ღერბიცაა). და ამ სახის ჯვარმაც იერუსალიმის ჯვრის სახელი დაიმკვიდრა ჯვრის სახეობათა ნომენკლატურაში. ასე განზოგადდა ერთი პიროვნების ღერბი სამეფო ღერბად. ისიც უნდა შეინიშნოს, რომ ხუთი ჯვარი ზედმიწევნით სიმბოლოა ჯვარცმულის საფლავისა, რომლის მცველის ტიტულსაც ის ატარებდა სიკვდილამდე (1110 წ.). მის შემდეგ მისი ძმა ბოლდუინი გახდა უკვე გვირგვინოსანი მეფე იერუსალიმის სამეფოსი.

ასე რომ, ხუთჯვრიანი დროშა არც მართლმადიდებლურია (ამ ცნების ვინრო კონფესიური სქიზმის შემდგომი გაგებით), არც ქართული, მით ნაკლებად, იმ პოლიტიკური ლიდერისა, რომელმაც მხოლოდ ააფრიალა იგი მერიის თავზე და თბილისის ქუჩებში – სეკულარული თვალსაზრისით დასაძრახისი აქ არაფერია. მაგრამ მის მონინალმდეგეთა მხრიდან გააფრთხილებული, ისტერიული ლაპარაკი დროშის “უცხო წითელ ჯვრებზე”, “უცხო დამპყრობლურ ანტიმართლმადიდებლურ დროშაზე”, მკრეხელობაზე მეტი იქნებოდა, სრული აბდაუბდა რომ არ იყოს. ამ ეპითეტების ავტორებმა, თუ ისინი ქრისტიანები არიან, უნდა იცოდნენ, რომ ჯვარი ჯვარია და თავის თავს არასოდეს დაუპირისპირდება. გაიხსენონ, თუ ოდესმე ქრისტეს მგობელთა ჯვარის ნიშანი უტარებიათ. თუ ჯვაროსნებს “უცხო დამპყრობელთა” შორის ვიხსენიებით და პოსტ ფაქტუმ წყევლა-კრულვას ვუთვლით, ის ათასი ფრანგი (ფრანკი – გერმანელი) ჯვაროსანი რაინდიც უნდა დაკვრულთ, რომლებიც სწორედ უცხო დამპყრობლების გარეკვაში შეეწინა და ვით მეფეს დიდგორის ომში. უფრო ადრეც შეწევნა ირიბად მომხდარა. აი, რას გვამცნობს დავითის ისტორიკოსი: “ამას უამსა გამოვიდეს ფრანგნი, აღიღეს იერუსალემი და ანტიოქია, და შეწევნითა ღმრთისათა მოემენა ქვეყანა ქართლისა, განძლიერდა დავით და განამრავლნა სპანი. და არღარა მისცა სულტანსა ხარაჯა და თურქნი ვერღარა დაიბამთრებდეს ქართლს”. ივ. ჯავახიშვილი ამ თარიღს უკავშირებს “საქართველოს სრული დამოუკიდებლობის აღდგენას”. არ შევნიშნოთ, თუ ბრძენი არ ვართ, მიზეზ-შედეგობრივი კავშირი იერუსალიმ-ანტიოქიის აღებასა და ქართლის “მოშენებას” შორის? ნუთუ ვერ ვგრძნობთ აქ წმ. საფლავის მცველის ხელს და მის ხუთჯვრიან ნიშანს?

ქართველობას ვალი აქვს ხუთჯვრიანი დროშისა. მისი აუგად მოხსენიება პოლიტიკურ მონინალმდეგეთა ჯიბრზე (რაკი მათ აღმართეს), უმადურობაა. მაგრამ პიეტეტი, მაღლიერება, არ ნიშნავს იმას, რომ ხუთჯვრიანი დროშა დღეს სახელმწიფო სიმბოლოთა შორის ვალიაროთ. ჩემი აზრით, ეს დაუშვებელია ორი მიზეზის გამო.

პირველი მიზეზი. ხუთჯვრიანი სიმბოლო ეკუთვნის ქვემო ლოთარინგიის ჰერცოგს, შემდგომ წმ. საფლავის მცველს გოტფრიდ ბულიონელს და, რამდენი ათასწლეულიც არ უნდა გავიდეს, ამ სახის ჯვარი მის ეკუთვნილებად დარჩება უკუნითი უკუნისამდე. ის ამავე დროს იყო სიმბოლო იერუსალიმის, თუმც ეფემერული სამეფოსი, რომელმაც მხოლოდ ას წელს იარსება. სამეფო დაეცა, მაგრამ ჯვარი დარჩა, ამჯერად იერუსალიმის ჯვრის სახელწოდებით, და დღემდე ასეა და ასე გასტანს ეს ისტორიული ფაქტი უკუნითი უკუნისამდე.

მეორე მიზეზი. საქართველოს მართლმადიდებელ ეკლესიას შეუძლია აღმართოს, გაშალოს, პროცესიაზე წაიმძღვაროს ნებისმიერი სახის ჯვრიანი დროშა, რადგან როგორც ერთი ლათინური გამოთქმა ლაღადებს, ჯვარი მარად ჯვარია (კრუქს ესტ სემპერ კრუქს), მათ შორის თუნდაც კოპტური ჯვარი, რომლის იდენტური საგან-ნიშანი ფარაონებს ეპყრათ ხოლო თა მიოომიტის ხოლოტიანი დროშა – განა ის საძარბოილოს

ეკლესიის, როგორც კათოლიკე სამოციქულო ეკლესიის, ისტორიის ნაწილი არ არის? მაგრამ რაც შეუძლია ეკლესიას, რისი უფლებაც მას აქვს, არ ხელეწიფება სახელმწიფოს. ხუთჯვრიანი დროშა, – ამაზე არავინ არათერს ლაპარაკობს, არც ბერი, არც ერი, – პირნიმინდად ლიტურგიულია: თუ ხუთი ჯვარი ქრისტეს ხუთ ჭრილობას გამოხატავს, ეს იმას ნიშნავს, რომ დროშაზე სიმბოლურად ჯვარცმული მაცხოვარია გამოხატული. და რატომ უნდა იყოს სახელმწიფოს დროშა ამ სიმბოლიკის შემცველი, როცა ეს სახელმწიფო არათუ თეოკრატიული არ არის, არამედ, უბრალოდ, არც ქრისტიანულია, ამ ცნების მკაცრი, სიღრმისეული გაგებით. განსაჯოს ერმა და ბერმა, თუ ოდნავ მაინც შეესატყვისება ეს სახელმწიფო, რაც უნდა გაბრწყინდეს იგი მომავალში, ამ მძიმე, სტიგმატურ, სისხლმდინარ დროშას?

2002